



OBUHWEZI OBURIKURUGA OMU IGURU

**Kikatebeekanisibwa
Watson Goodman**

**Tikishemeraire
Kuguzibwa**

OBUHWEZI OBURIKURUGA OMU IGURU

“OBUHWEZI OBURIKURUGA OMU IGURU” harimu otucweka tw'Ebyahandiikirwe otwine akakwate okuruga omu bicweka bitari bimwe omu Baibuli. Ninyesiga tihariho kirikukirayo kugamba gye aha Byahandiikirwe nka Baibuli.

Ekigambo kya Ruhanga “NIKIRUGA OMU IGURU” kandi buzima n'eky'obuyambi ahabw'emitima y'enjara n'eiriho ahabw'obuhikiriire. Omuntu ku ari kweteisa biri yaanaga ekibi, okuruga obwo ayeta Mukama Yesu Kristo kutuura omu mutima gwe kandi ayikiriza n'omutima gwe gwoona Mukama Yesu Kristo ku ari Omujuni. Mukama amwijamu obwo naareeta omu mutima gwe obusingye n'okushemererwa. Eki nkatunga okukimanya n'okukyetegyereza omu mwaka gwa 1937. Okwiha obwo tinkahenda ga omukago gwangye ogu na Ruhanga. Ninkushaba buzima ku oyekwatsa Kristo nk'Omujuni waawe kandi Mukama waawe hati, waaba otakakikozire.

—Watson Goodman (1920-2002)

Scripture text is reprinted from the Bible in Runyankore-Rukiga by permission of United Bible Societies Africa Regional Centre, Nairobi, Kenya.

Yeremia 31:3

Mukama yaamweyoreka ari omu nsi ya hare, naagira ati: Nka-kukunda na rukundo etahwaho, Nikyo ngumiire ninkugirira embabazi.

Okushuuruurwa 1:5

Kandi ebirikuruga ahari Yesu Kristo kareebi omwesigwa, omujigaijo omu kuzooka, kandi omutegyeki w'abagabe b'ensi. Ogwo otukunda, kandi owaatukomoroire omu bibi byaitu n'eshagama ye.

Yohaana 13:1

Obugyenye bw'Okuhingurwaho butakahikire, Yesu akamanya ku obunaku bwe buhikire okuruga

omu nsi egi kugaruka ahari Ishe. Ku yaakunzire abe ab'omu nsi, yaagumizamu naabakunda okuhitsya aha muheru.

Yohaana 3:16

Ahakuba oku nikwo Ruhanga yaakunzire atyo ensi, akahayo Omwana we omwe nyamunegyere, ngu omuntu weena orikumwikiriza arekye kuhwerekyerera, kureka atungye amagara agatahwaho.

Abarooma 5:8

Kwonka Ruhanga ayoreka okukunda kwe oku atukunda, ahakuba ku twabaire tukiri abanyabibi, Kristo yaatufeera.

2 YESU KRISTO N'OBWARUHANGA BWE

Matayo 1:22,23

Ebyo byona bikabaho ahabw'okuhikiiriza ebi Mukama yaagambire naaraba omuri nabi, naagira ati: Reeba, omwishiki oshugaine Aryagira enda, azaare omwana w'omwojo, Eiziina rye aryayetwa Emanueli, amakuru ngu Ruhanga ari hamwe naitwe.

Yohaana 14:7-10

Kuri mwammanyire, na Tata nawe mukaamumanyire. Okuruga hati nimumumanya, kandi mwamureeba. Filipino yaamugira ati: Mukama wangye, tworekye Isheboona; ekyo nikitumara. Yesu yaamubuuza ati: Filipino, ahi nakaturira naimwe, tokamma-

nyaga? Ondeebire, biri areebire Isheboona; n'enki ekirikukushabisa oti, Otworekye Isheboona? Torikwikiriza ku ndi omuri Tata, kandi na Tata ku ari omuriinye? . . .

Yohaana 1:1, 14

Bwa mbere na mbere hakaba hariho Kigambo; Kigambo ogwo akaba atuura na Ruhanga; kandi Kigambo akaba ari Ruhanga. . .Kigambo ogwo yaaba omuntu, yaatuura naitwe, twareeba ekitiinisa kye, ekitiinisa nk'eky'Omwana omwe nyamunegyere, owaarugire ahari Isheboona, aijwire embabazi n'amazima.

1 Yohaana 4:15

Omuntu weena orikumanya ku Yesu ari Omwana wa Ruhanga, Ruhanga naaguma omuriwe, kandi nawe naaguma omuri Ruhanga.

Abakolosai 2:9

Ahakuba omuriwe harimu Obwaruhanga bwona obureeberwa omu mubiri gwe.

Isaaya 9:6

Ahabw'okuba Omwana atuzairiirwe, Omwana w'omwojo atuhairwe, Obutegyeki buryaba aha mabega ge, N'eiziina rye aryayetwa Omuhanuuzi orikutangaaza,

Ruhangaow'obushoboorozi, Taitaitwe otahwaho, Mukama w'obusingye.

Matayo 17:5

Ku yaabaire naakigamba, haija ekicu kirikwengyengyeta, kya-basangira, eiraka ryakyemamu nirigira riti: Ogu n'Omwana wanyge ou nkunda, ou nyesiimira munonga; mumuhurire.

Luka 1:35

Maraika yaamugarukamu ati: Omwoyo Orikwera aryakwizira, N'amaani ga Rukira-boona garyakusangira; Omwana orizaarwa nikyoye aryeterwa Orikwera, Omwana wa Ruhanga.

Yohaana 9:5

Obu nkiri omu nsi, ndi Omushana gw'ensi.

Yohaana 11:25

Yesu yaamugira ati: Niinye kuzooka n'amagara; orikuunyikiriza, n'obu yaakufa, aryaba ohuriire.

Yohaana 13:13

Muunyeta Omwegyesa kandi Mukama waanyu; kandi eki murikugamba nikyo, ahabw'okuba nikwo ndi.

Yohaana 8:23

Yaabagambira ati: Imwe muri ab'omu nsi, nyowe ndi ow'omu

iguru; imwe muri ab'ensi egi, nyowe tindi w'ensi egi.

Yohaana 10:7

Yesu yaagaruka yaabagira ati: Buzimazima nimbagambira nti: Niinye irembo ry'entaama.

Yohaana 6:35

Yesu yaabagira ati: Niinye mu-gaati gw'amagara; orikwija aharriinye, tarigira njara; n'orikuunyikiriza, tarikwatwa iriho na kakye.

Yohaana 8:58

Yesu yaabagira ati: Buzimazima nimbagambira nti: Abrahamu atakazairwe, nyowe Ndiho.

BIMWE AHA BY'OKUTANGAAZA EBI YESU 5 YAAKOZIRE

Matayo 20:30, 34

Kandi empumi ibiri zikaba zishutami aha rubaju rw'omuhanda. Ku zaahuriire ngu Yesu naahingura, zaayeta nizigira ziti: Mukama waitu, Mwana wa Daudi, otugirire embabazi! . . . Zikamugarukamu ziti: Mukama waitu, nitwenda ngu amaisho gaitu gahumuukye.

Matayo 14:19-21

Yaaragiira emitwe y'abantu kushutama omu kacwamba; yaayakiira egyo migaati etaano n'eby'enyanya bibiri, yaareeba ahaiguru, yaasiima, yaabega emigaati, yaagiha abegi be, nabo baaga-

burira abantu. Boona baarya, baahaaga. Bwanyima baatorotora oburagarika obwatsigaraho, baijuza ebitenga ikumi na bibiri. Abo abaariire bakaba bari abashaija enkumi itaano, otabarii-remu bakazi n'abaana.

Luka 5:5,6

Simooni yaamugarukamu ati: Mwegyesa, turaire nitutega ekiro kyona, twabura eki twakwatsa. Kwonka ahabw'ekigambo kyawe, ka ntegye obutimba. Ku baakozi-re ekyo, baakwatsa eby'enyanya bingi munonga, obutimba bwabo bwayenda kucweka.

6 YESU KRISTO N'OMUHANGI KANDI MUKAMA WAITU

1 Abakorinso 1:9

Ruhanga n'omwesigwa owaa-beetsire kutaaha omu kukwatani-sa hamwe n'Omwana we Yesu Kristo Mukama waitu.

Yohaana 1:3

Ebintu byona niwe yaabiha-ngire, kandi omu byahangirwe byona tihariho kintu na kimwe eki atarahangire.

Abakolosai 1:16

Ahakuba omuri Ogwo nimwo ebintu byona byahangiirwe, e-by'omu iguru n'eby'ahansi, ebiri-kureebwa n'ebitarikureebwa, yaa-ba bitebe by'obugabe, nari obu-

kama, nari obutegyeki, nari obu-shoboorozi — byona niwe yaabi-hangire, kandi byahangwa kuba ebye.

Ebyakozirwe 2:36

N'ahabw'ekyo ab'enju ya Israe-li boona bamanye buzima ngu, Yesu ogwo, ou mwabambire, Ru-hanga akamuhindura Omukama kandi Kristo.

Abaheburaayo 1:2

Ruhanga. . . kwonka omu bi-ro ebi ebya bwanyima itwe aka-tutumaho Omwana we kuba ni-we yaatugambira, ou yaataireho kuba omuhunguzi w'ebintu by-ona, kandi ou yaahangiise ensi.

YESU KRISTO N'OMURAMUZI WA BOONA 7

Yohaana 5:22

Ahakuba na Ishe tacwera muntu weena rubanja, okucwa orubanja kwona akakurekurira Omwana.

Abarooma 14:10

Mbwenu shi iwe, ahabw'enki noocwera mwene Sho orubanja? Nari shi noogayira ki mwene Sho? Ahakuba twena turyayemerera omu maisho g'ekitebe ky'eiramuriro ekya Ruhanga.

Ebyakozirwe 10:42

Bwanyima yaaturagiira kubuurira abantu, n'okuhamyanya ngu niwe ogwo ou Ruhanga yaataireho kuba Omucwi w'emanja z'abahuriire n'abafiire.

Abarooma 2:16

Kandi nikwo kiriba aha kiro eki Ruhanga aricweraho emanja z'ebi abantu baakozire omu mubonano, naazicwisa Yesu Kristo, nk'engiri ei naahairwe oku egira.

2 Timoseo 4:1

Ninkwehanangiriza omu maisho ga Ruhanga na Kristo, ori-cwera abahuriire n'abafiire orubanja, kandi ahabw'okugaruka kwe n'obukama bwe.

Matayo 25:32

Amahanga goona gateerani-rwe omu maisho ge; kandi arya-gashoroora, nk'oku omuriisa ashoroora entaama omu mbuzi.

OKUCUNGURWA NITUKUTUNGA OMURI KRISTO WENKA

Yohaana 14:6

Yesu yaamugambira ati: Nii-nye muhanda, n'amazima, n'amagara; tihariho oija ahari Ishe-boona, atarabire muriinye.

Yohaana 8:24

Nikyo naabagambirira nti: Muryafeera omu bibi byanyu; kandi buzima muryafeera omu bibi byanyu, ku muriba mutaikiriize ku ndi We.

Abaheburaayo 5:9

Kandi ku yaaherize kuhikiirizibwa, yaahinduka obukomooko bw'okujunwa okutahwaho ahari boona abamworobera.

Ebyakozirwe 4:12

Kandi tihariho ondiiho ou twakuboneramu okujunwa, ahakuba tihariho rindi iziina ahansi y'eiguru eryahairwe abantu, erishemereire kutujuna.

Abaheburaayo 7:25

N'ahabw'ekyo naabaasa kujunira kimwe abairirira Ruhanga nibaraba omuriwe, ahakuba atuura obutoosha bwona naabee-shengyerereza.

Yohaana 10:9

Niinye irembo; omuntu weena orikutaaha naaraba omuriinye, naajunwa; naataaha, naashohora, naabona eiriisizo.

OKUCUNGURWA NITUKUTUNGA OMURI KRISTO WENKA

9

Tito 2:14

Owaayehaireyo ahabwaitu, kutucungura omu bugomi bwona, n'okutweza ahabwe, ngu tubone kuba eihanga rye eritoorainwe, eririkwezirikira kukora emirimo emirungi.

Okushuuruurwa 5:9

Baayeshongora ekyeshongoro kisyamba nibagira bati: Oshemereire kutwara ekitabo n'okubambuura obumanyiso bwakyo, Ahabw'okuba okaitwa, waacungurira Ruhanga abantu n'eshagama yaawe Ab'enganda zooni n'endimi zooni n'abantu boona n'amahanga goona.

Abakolosai 1:12-14

Nimusiima Isheboona, owatuhindwire abashemereire kubagana n'abarikwera omugabo gw'obuhunguzi omu mushana. Niwe yaatwihire omu butegyeki bw'omwirima, akatutaasya omu bukama bw'Omwana we ou akunda, ou twatungiiremu okucungurwa, nikwo kusaasirwa ebibi byaitu.

1 Abakorinso 1:30

Kandi ahabwe muri omuri Kristo Yesu, ou Ruhanga yaahindwire obwengye bwaitu, n'okuhikirira, n'okwera, n'obucunguzi.

10 OKUSHEESHEKA KW'ESHAGAMA YA KRISTO

Abarooma 5:9

Mbwenu okukira munonga, nk'oku tuherize kwihwaho orubanja ahabw'eshagama ye, turyakira ekiniga kya Ruhanga ahabwe.

1 Yohaana 1:7

Kwonka ku tugyendera omu mushana, nka We oku ari omu mushana, tukwatanisa hamwe kandi eshagama ya Yesu Kristo Omwana we eguma neetwozyaho ebibi byona.

1 Petero 1:18, 19

Nimumanya ku mutaracunguziibwe bintu ebihwaho nk'efeeza

n'enzaabu okuruga omu micwe yaanyu etaine mugasho ei mwa-hungwire ahari baashwenkurii-mwe, kureka Kristo akabacungura n'eshagama ye ey'obuguzi bwingi, nk'ey'omwana gw'entaama ogutaine kamogo n'obu ryakuba eibara.

Abaheburaayo 9:14

Eshagama ya Kristo, owaayehaireyo ahari Ruhanga ahabw'O-mwoyo Orikwera kuba ekitambo ekitaine kamogo, terikira munonga kushemeza emitima yaanyu kureka emirimo efiire, mukabona kuheereza Ruhanga ohuriire?

OKUJUNWA KURI OMUKWIKIRIRIZA OMURI KRISTO

11

Abarooma 5:1

N'ahabw'ekyo, nk'oku twihirweho orubanja ahabw'okwikiriza, twine obusingye ahari Ruhanga ahabwa Mukama waitu Yesu Kristo.

Abagalatia 5:6

Mumanye ngu omuri Kristo Yesu okusharwa tikwine mugasho, n'obu kwakuba okutasharwa; ekiine omugasho buzima n'okwikiriza okurikukoresibwa okukunda.

Yohaana 6:28, 29

Baamubuuza bati: Tushemereire kukora ki, tukabona kukora emirimo ya Ruhanga? Yesu yaa-

bagarukamu ati: Ogu nigwo murimo gwa Ruhanga, imwe okwikiriza Ogwo ou yaatumire.

Yohaana 20:31

Kwonka ebi bihandiikirwe ngumwikirize ku Yesu ari Kristo Omwana wa Ruhanga, kandi ngu, ku muraikirize, mugire amagara omu iziina rye.

Abaefeso 2:8, 9

Mumanye ngu embabazi ze nizo zaabajunire ahabw'okwikiriza; ti habw'okukora kwanyu, kureka n'ekiconco kya Ruhanga, ekitararugire mu mirimo, ngu hatagira omuntu weena owaayehimbisa.

Zaaburi 103:11

Ahakuba nk'eiguru oku riri ahaiguru munonga okuruga aana-nsi, N'embabazi ezi agirira abarikumutiina nikwo ziri nyingi.

Zaaburi 103:17

Kwonka embabazi za MUKAMA ziguma aha barikumutiina okwiha iranaira, okuhitsya obusingye bwona, N'okuhikiirira kwe kuhika aha baijukuru.

Okutonzya 3:22, 23

Embabazi za MUKAMA tizihwaho, N'okusaasira kwe kugumaho ebiro byona. Buri kasheshe ziba nsya; Obwesigwa bwawe ni bwingi.

Zaaburi 108:4

Ahakuba embabazi zaawe ni nyingi okukira eiguru, N'okwesigwa kwawe nikuhika omu bicu.

Tito 3:5

Yaaturuna, ti habw'eby'okuhiikiirira ebi twakozire, kureka ahabw'okusaasira kwe, akaturunisa okwogibwa okw'okuzaarwa obwa kabiri n'okuhindurwa abasya omu Mwoyo Orikwera.

Mika 7:18

Ni ruhanga ki orikushushana naiwe, Osaasira okutahikiirira, Oyehuzya ebicumuro by'ab'obuhunguzi bwe abatsigaireho? Taguma na kiniga ebiro byona; Ahabw'okuba ashemererwa embabazi.

Isaaya 55:1

Imwe mwena abaine eiriho, mwije aha maizi, Kandi otaine mpiiha, aije, agure, arye; Mwije mugure viinyo n'amate Ahatari kuha mpiiha, ahatari kucwerekana.

Okushuuruurwa 22:17

Omwoyo n'Omugore nibagira bati: Ija! Orikuhurira agire ati: Ija! Oine eiriho aije; kandi weena orikwenda atwarire busha amaizi g'amagara.

Yohaana 7:37

Aha izooba ry'aha muheru ery'ekiro kikuru ky'obugyenye, Ye-

su yaayemerera, yaagamba n'eraka rihango ati: Omuntu weena, ku araagire eiriho, aije ahariinye, anywe.

Matayo 11:28

Imwe mwena abaruhire n'abarereirwe, mwije ahariinye, mbaruhuure.

Isaaya 1:18

MUKAMA naagira ati: Mbwe nu nimwije tuhanuure hamwe; Ebibi byanyu n'obu biraabe nibitukura nka karari, Biryayera nk'orubaare; N'obu biraabe nibitukura tuku-tuku, Biryaba nk'ebyooya by'entaama ebirikwera.

2 Abakorinso 6:17, 18

N'ahabw'ekyo mubarugyemu, Mubeetaaniseho; nikwo Mukama arikugira; Mutarikora aha kintu kyona ekitashemeire; obwo naanye ndyabaakiira, Kandi ndyaba Shoimwe, Naimwe mube batabani bangye na bahara bangye, Nikwo Mukama ow'obushoboorozi bwona arikugira.

Abafilipi 2:15

Mubone kuba abataine ky'okuhanwa nari oburyarya, muri abaana ba Ruhanga abataine kamogo, ahagati y'ab'obusingye obu obukiikami, oburikwehabagiza, abu mwakiramamu nk'etabaaza

omu nsi, nimworeka ekigambo ky'amagara.

1 Yohaana 3:10

Ekyo nikyo kimanyisa abaana ba Ruhanga n'abaana ba Sitaane; weena otakora by'okuhikiirira ti wa Ruhanga, n'obu yaakuba otakunda mwene ishe.

Abarooma 8:14, 15

Manya, boona abeebemberwa Omwoyo wa Ruhanga, nibo baana ba Ruhanga; ahakuba timurahirwe mwoyo gw'obuhuuku kugaruka kutiina, kureka mukahebwa Omwoyo owaabahindwire abaana ba Ruhanga, otugambisa tukagira tuti: Abba, Taata!

EKI RUHANGA ARIKUGAMBA AHA BIRIKUSINZA 15

Abarooma 13:13, 14

Tugyende tushemeire, nk'abarikugyenda nyomushana, tutarikujagarara, tutarikusinda, tutarikushambana, tutarikukora birikwitsa enshoni, tutarikutongana, tutarikugirirana ihari. Kureka mujware Mukama waitu Yesu Kristo, kandi mutaha omubiri orwekwatso kukora ebi gurikwetenga.

Abagalatia 5:19-21

Mbwenu emirimo y'obuzaarwa bw'omubiri neemanywa, niyo egi: obushambani, ebirikwitsa enshoni, okurigira okubi, okuramyamba ebishushani, okuroga, obuzigu, okurwana, eihari, ekiniga, e-

mpaka, okwebaganisamu, okurwanira orubaju, okwangirana, obusinzi, okuraara enkyera, n'ebindi nk'ebyo. Nimbateisa, nk'oku naabateisize ira, nti: Abarikukora nk'ebyo tibarihungura bukama bwa Ruhanga.

Enfumu 23:31, 32

Otareeba viinyo ngu niho erikutukura, Yaaba neebirira omukikopo, Neesheneneka aha mumiro. Bwanyima eruma nk'enjoka, Etema nk'empiri.

Isaaya 5:11

Baryareeba enaku, abaimuka kare Kuza kusherura ebirikusinzaza, Abatarama bakarenzya, okuhitsya obu amaarwa gabasinza!

16 TIKIRIKUMARA OKUKWATA EBIRAGIRE BYA RUHANGA BYONKA

Enfumu 16:25

Hariho omuhanda ogu omuntu ayeta murungi, Kwonka omuheru gwagwo guri omuhanda gw'okufa.

1 Yohaana 5:9-12

Ku turaabe nitwikiriza okuhamywa kw'abantu, okuhamywa kwa Ruhanga nikukira okwabo; ahakuba okuhamywa kwa Ruhanga nikwo oku, ngu akahamywa eby'Omwana we. Oikiriza Omwana wa Ruhanga aine okuhamywa okwo omuriwe. Otaikiriza Ruhanga aba amuhindwire omubeihi, ahabw'okuba aba ataikiriize ku-

hamya oku Ruhanga yaahamize aha Mwana we. Kandi oku nikwo kuhamya okwo, ngu Ruhanga akatuha amagara agatahwaho, kandi amagara ago gari omu Mwana we. Omuntu oine ogwo Mwana niwe aine amagara; otaine Mwana wa Ruhanga taine magara.

Matayo 22:37, 38

Yaamugarukamu ati: Kunda Mukama Ruhanga waawe n'omutima gwawe gwona, n'amagara gaawe goona, n'obwengye bwaawe bwona. Eki nikyo kiragiyo kikuru kandi eky'okubanza.

Yakobo 1:22

Kandi mube abarikworobera Ekigambo, beitu ti kukihurira kwonka, mukeebeiha.

Abaefeso 5:6

Hatagira omuntu owaababeiha-beihesa ebigambo ebitaine mugasho; ahabw'okuba ebibi ebyo ni byo bireeta ekiniga kya Ruhanga aha batarikuhurira.

1 Abakorinso 6:9, 10

Timurikumanya ngu abatahikiriire tibarihungura bukama bwa Ruhanga? Mutaribeihiwa; abashambani, nari abarikuramyamba ebishushani, nari abegira abakazi, na-

ri ebitingwa, nari abashuma, nari abeetengi, nari abasinzi, nari abajumi, n'obu baakuba abanyagi, abo boona tibarihungura bukama bwa Ruhanga.

1 Yohaana 3:7, 8

Imwe abaana bato, hatagira omuntu weena owaabahabya. Okora eby'okuhikiirira niwe ahikiiriire, nka We oku ahikiiriire. Okora ekibi n'owa Sitaane; ahakuba okwiha iranaira Sitaane ashiisha.

Abagalatia 6:3

Ahakuba omuntu orikweteeka-teekaho ngu n'ekintu, haza kunu ataine ku ari, naaba naayebeiha.

Yakobo 1:15

Bwanyima okwetenga okwo, ku kuheza kutwara enda, ku zaara ekibi; n'ekibi ku kikura, ki zaara okufa.

Abarooma 8:6

Mumanye ngu okuta omutima aha by'omubiri n'okufa; kwonka okuta omutima aha by'Omwoyo n'amagara n'obusingye.

Ezekieli 18:20

Omuntu orikukora ekibi niwe arifa. Omwana tariturwa kutahikiirira kwa ishe, na ishe w'omwana tariturwa kutahikiirira kw'omwana we. Okuhikiirira kw'ohi-

kiriire niwe kuribarirwa, kandi n'obubi bw'omubi niwe buribarirwa.

Luka 15:32

Kwonka eky'okwesiima n'okushemererwa kyaba kihikire; ahabw'okuba murumuna waawe o gu akaba afiire, hati yaazooka; akaba azaahire, mbwenu yaazaa huuka.

Abarooma 5:12

N'ahabw'ekyo, nk'oku ekibi kyaizire omu nsi ahabw'okushii sha kw'omuntu omwe, kandi kitarugamu okufa, nikwo n'okufa kwabugire omu bantu boona, ahakuba boona bakashiisha.

Luka 7:14, 15

Yairira haihi, yaakora aha kanda, abeekorezi baayemerera. Yaagira ati: Mwojo 'we, ninkugira nti: Imuka. Ogwo owaaba afiire yaashutama, yaatandika kugamba. . .

Yohaana 5:22

Ahakuba na Ishe tacwera muntu weena rubanja, okucwa orubanja kwona akakurekurira Omwana.

Yohaana 11:43, 44

Ku yaaherize kugamba ekyo, yaagamba n'eiraka rihango ati: Laazaaro, shohora, oije. Nyakufa yaashohora, azingazingirwe o-mu myenda emikono n'amaguru,

n'omutanda gukomire aha maisho ge. Yesu yaabaragiira ati: Mumukomorore, mumurekye agyende.

Okushuuruurwa 1:18

Nkaba nfiire, mbwenu ndi ohuriire ebiro byona; kandi nyine ebishumuruzo bya Rufu n'Okuzimu.

Yohaana 10:17, 18

Tata nikyo ankundira, ahabw'okuba mpayo amagara gangye, ngu mbone kugegarurira. Tihariho orikugaanyaka, ningahayo ahabwangye. Nyine obushoboorozi bw'okugahayo, kandi n'obw'okugegarurira. Ekiragiro eki nkakiheebwa Tata.

Eky'ebiragiro 5:7-21

Otarigira baaruhanga abandi nyowe ndiho.

Otaryekorera ekishushani kyona ekibaizire, n'obu kyakuba ekishushani ky'ekintu kyona ekiri ahaiguru omu iguru nari ekiri omu nsi ahansi, nari ekiri omu maizi okuzimu; otaribiinamira, kandi otaribiheereza. . .

Otarizaanisa eiziina rya MUKAMA Ruhanga waawe; ahakuba MUKAMA tarimubara nk'otaine rubanja orikuzaanisa eiziina rye.

Ijuka okweza ekiro kya sabato; nk'oku MUKAMA Ruhanga waawe yaakuragiire. Omu biro

mukaaga ogume okore; obe nimwo waakorera emirimo yaawe yona; kwonka ekiro kya mushanju niyo sabato ahari MUKAMA Ruhanga waawe. . .

Otiine sho na nyoko, nk'oku MUKAMA Ruhanga waawe yaakuragiire. . .

Otariita;

Kandi otarishambana;

Kandi otariiba;

Kandi otaribeisherera mutaahi waawe;

Kandi otaryetenga omukazi wa mutaahi waawe, otaryetenga enju ya mutaahi waawe, n'obu gwakuba omusiri gwe, nari omu-

huuku we, nari omuzaana we, nari ente ye, nari endogoya ye n'o-

bu kyakuba ekintu kyona ekya mutaahi waawe.

TERIKUBAASA KWESHEREKA RUHANGA 21

Luka 8:17

Ahakuba tihariho kyashereki-rwe ekitarishuuruurwa, nari e-ky'omubonano ekitarimanywa k-kareebwa butunu.

Zaaburi 139:8, 12

Ku ndaatembe omu iguru, o-kwo niyo ori; Ku ndaatinde eki-tabo kyangye Okuzimu, reeba nayo oriyo. . . Omwirima nagwo tigwine ki gukushereka; Ahakuba ekiro kihweza nka nyomushana; Omwirima n'omushana nikyo ki-mwe ahariwe.

Yobu 34:21, 22

Manya, amaisho ge atuura a-gataire aha mitwarize y'omuntu, Kandi ayetegyereza emigyendere ye yona. Tihariho mwirima, n'o-bu kyakuba ekibunda kya rufu, Ahu enkozi z'ebibi zaakubaasa kweshereka.

Yeremia 23:24

Kandi naagira ati: Hariho o-waakubaasa kweshereka aheekii-kire, ntamureebe? Tiinyijwire ei-guru n'ensi? nikwo MUKAMA arikugira.

22 EKIFUBIRO KY'ABASIISI EKITARIHWAHO

Zaaburi 9:17

Ababi baryagaruka okuzimu;
Nigo mahanga goona ageebwa
Ruhanga.

2 Petero 3:7

Kwonka eiguru n'ensi ebiriho
hati, ahabw'ekigambo ekyo, bi-
biikiirwe omuriro, nibirindwa o-
kuhitsya aha kiro ky'orubanja e-
ki abantu abatatiina Ruhanga ba-
ricwekyerererezibwaho.

Matayo 18:8

Omukono gwawe nari shi eki-
gyere kyawe ku kiraakureetere
kukora ekibi, okitemeho, okina-
gye hare; haakiri iwe okutaaha o-
mu magara, ori ekirema nari noo-

cumbagira, okukira okunagwa o-
mu muriro ogutaraara oine emi-
kono yombi nari ebigyere byo-
mbi.

Matayo 13:41, 42

Omwana w'omuntu aryatuma
baamaraika be, nabo baryaiha o-
mu bukama bwe byona ebiriku-
teeza abantu entsibo, n'enkozi z'e-
bibu, binagwe omu kikoomi ky'o-
muriro; omwo nimwo abantu ba-
riririra, bakanena enshaya.

Matayo 25:46

Abo baryaza omu kubonabo-
nesibwa okw'ebiro n'ebiro, kwon-
ka abahikiriire bo baryataaha
omu magara agatahwaho.

Abarooma 14:12

Nikwo buri omwe omuriitwe aryegambira, naayetonganira ahari Ruhanga.

Abaheburaayo 9:27

Kandi nk'oku abantu bateerei-rweho okufa rimwe, bwanyima yaakwo bakacwerwa orubanja.

Ebyakozirwe 17:31

Ahakuba akataho ekiro eki aricweraho emanja z'ensi yona omu kuhikiirira, naazicwisa Omuntu ou yaatooraine; kandi ebyo akabihamiza abantu boona, obu yaamuzoora omu bafu.

2 Abakorinso 5:10

Mumanye ngu twena tushemereire kwemerera omu maisho g'e-

kitebe kya Kristo eky'okucwera-ho emanja, ngu omuntu weena abone kuheebwa ekishemereire e-bi yaakozire omu mubiri, yaaba kirungi nari kibi.

1 Yohaana 4:17

Omuri ekinimwo okukunda kuhikiirizibwa omuriitwe, ngu tugi-re obumanzi tutaritiina aha kiro ky'orubanja, ahakuba nk'oku ari nikwo naitwe turi omu nsi egi.

2 Petero 2:9

N'ahabw'ekyo Mukama naamanya kukiza abarikumutiina omu kugyezibwa, kandi n'okugumya abatahikiriire omu kifubiro okuhitsya aha kiro ky'orubanja.

1 Petero 5:5

. . . ahakuba Ruhanga arwanisa ab'amaryo, kwonka abacureezi abaha omugisha.

2 Abakorinso 8:9

Ahakuba nimumanya embabazi za Mukama waitu Yesu Kristo; n'obu yaabaire ari omutungu, kwonka akahinduka omworo ahabwanyu, ngu obworo bwe bubatungise.

Abarooma 5:15

Kwonka ekiconco ky'embabazi tikiine kakwate n'ekicumuro ekyo; ahakuba ekicumuro ky'omuntu omwe ku kiraabe kyareeteire abantu baingi okufa, okukira munonga embabazi za Ru-

hanga n'ekiconco ky'embabazi z'omuntu omwe Yesu Kristo nikwo byakanyire ahari baingi.

Ebyakoziwe 4:33

Kandi entumwa zikagira amaani maingi g'okuhamya okuzooka kwa Mukama waitu Yesu; n'embabazi nyingi zaabagumaho boona.

2 Abakorinso 9:15

Ruhanga asiimwe ahabw'ekiconco kye ekitarikubaasa kushooboorwa.

Abarooma 9:16

N'ahabw'ekyo tikirikwegamira kweyendera kw'omuntu, nari obweziriki bwe, kureka okusaasira kwa Ruhanga.

Matayo 3:2

Ati: Mweteise, ahakuba obukama bw'omu iguru bwiriire haihi.

Ebyakozirwe 2:38

Petero yaabagarukamu ati: Mweteise, mwena mubatizibwe omu iziina rya Yesu Kristo, mubone kusaasirwa ebibi byanyu; kandi nimwija kuheebwa ekiconco ky'Omwoyo Orikwera.

Ebyakozirwe 3:19

N'ahabw'ekyo mweteise, muhindukye, ebibi byanyu biragazibwe, ebiro eby'okugaruka obusya bibone kwija okuruga ahari Mukama.

2 Abakorinso 7:10

Mumanye ngu okwefuuzwa okurimu kutiina Ruhanga kureeta okweteisa okutarikwefuuzibwa, okurikuhitsya aha kujunwa; kwonka okwefuuzwa okw'ensi kureeta okufa.

Luka 13:3

Nimbagambira nti: Tikwo kiri; mumanye ngu naimwe, ku muraabe muteeteisize, muryahwerekyerera mwena nkabo.

Ebyakozirwe 17:30

Ebiro ebyo eby'okutamanya, Ruhanga akabirenzya amaisho, kwonka hati naaragiira abantu boona abari hoona kweteisa.

Isaaya 55:7

Omubi arekye omuhanda gwe, N'otahikiriire arekye ebiteekateeko bye, Agarukye ahari MUKAMA, abone kumusaaira, Ahari Ruhanga waitu, ahakuba naija kumusaasirira kimwe.

Ebyakozirwe 5:31

Ogwo Ruhanga akamutembya, yaamuta aha rubaju rwe rwa buryo, ngu abe Omwebembezi mukuru kandi Omujuni, okuhaisa Abaisraeli okweteisa n'okusaasirwa ebibi.

Okushuuruurwa 3:20

Reeba, nyemereire aha rwiigi, nindukongoota niinyiguza; omu-

ntu weena, ku araaHurire eiraka ryangye yaanyigurira, niinyija kutaaha omu nju ye, ndye nawe, nawe arye naanye.

Mako 2:5

Yesu ku yaareebire okwikiriza kwabo, yaagira ozingazingirwe ati: Mwana wangye, ebibi byawe byakusaasirwa.

Ezekieli 18:21

Kwonka omuntu mubi ku arihinduka yaareka ebibi ebi yaakozire byona, yaayorobera ebiragi byangye byona, yaakora eby'ebiragiro kandi ebihikire, buzimazima aryagumaho, tarifa.

Isaaya 1:16

Mwogye, mweboneze, Mwiheho obubi bw'emicwe yaanyu omu maisho gangye; Murekye kukora kubi.

Abaefeso 5:11

Mutarikwatanisa n'emirimo y'omwirima etarikwana; kureka mugihane.

1 Yohaana 2:15, 16

Mutarikunda ensi n'obu byakuba ebintu ebigirimu. Omuntu weena ku akunda ensi, okukunda Isheboona kuba kutamurimu. Ahakuba byona eby'omu nsi, ebi omubiri gwetenga, n'ebi amaisho

geetenga, n'okwehimbisa ahabw'eby'amagara aga, tibiruga hari Isheboona, kureka biruga omu nsi egi.

Tito 2:11, 12

Ahakuba embabazi za Ruhanga zireebekire nizireetera abantu boona okujunwa, nizituhabura kwanga okutatiina Ruhanga n'okwetenga eby'ensi, ngu tubone kugumaho omu busingye obu obwa hati, nitwerinda, turi abahikiriire, abarikutiina Ruhanga.

Abakolosai 3:2

Mute omutima aha by'omu iguru, murekye eby'omu nsi.

Ezekieli 36:26

Kandi ndyabaha omutima musya, mbatemu omwoyo musya; ndyabaihamu omutima gw'eibaa-re, mbatemu ogworobi.

Yohaana 3:3

Yesu yaamugarukamu ati: Buzimazima ninkugambira nti: Omuntu, ku aba atazairwe bwa kabiri, tabaasa kureeba bukama bwa Ruhanga.

2 Abakorinso 5:17

N'ahabw'ekyo omuntu weena, ku aba ari omuri Kristo, aba ari ekihangirwe kisy; ebya kare biba bihweire, reeba byona biba bihindukire bisya.

1 Yohaana 2:29

Ku muraabe nimumanya ngu ahikiriire, mumanye ngu omuntu weena okora eby'okuhikiirira biri azairwe Ruhanga.

1 Petero 1:23

Ahakuba mukaheza kuzaarwa obwa kabiri, mutazairwe mbibo erikujunda, kureka etarikujunda, nkyo kigambo kya Ruhanga ekihuriire kandi ekigumaho.

1 Yohaana 5:18

Nitumanya ngu omuntu weena ozairwe Ruhanga takora kibi, ahakuba Ogwo owaazairwe Ruhanga niwe amurinda, kandi Omubi tamukoraho.

Abakolosai 3:1

Mbwenu nu ku muraabe mwa-
zoirwe na Kristo, musherure e-
biri omu iguru, ei Kristo atuura,
ashutami aha rubaju rwa buryo
rwa Ruhanga.

1 Petero 2:24

Niwe yaayekoreire ebibi byai-
tu omu mubiri gwe aha muti,
ngu itwe abaherize kufa aha bibi,
tugire amagara omu kuhikiirira.
Emihiririzi ye niyo yaabakirize.

Abaefeso 2:1, 6

Kandi naimwe akabahindura
abahuriire, obu mwabaire mu-
feereire omu bibi n'omu by'oku-

shiisha byanyu. . . yaatuzoora ha-
mwe nawe, yaatushutamywa nawe
omu myanya y'omu iguru omuri
Kristo Yesu.

Abagalatia 5:24

Kandi abo aba Kristo Yesu ba-
kabamba aha musharaba omubi-
ri n'emize yaagwo n'okwetenga
kwagwo.

Abarooma 6:2, 11

Itwe abaaherize kufa aha kibi,
nitubaasa tuta kukigarukamu, tu-
kakigumamu?. . . Naimwe mwe-
bare mutyo, ku mufiire aha kibi,
kwonka ku muri abahuriire a-
hari Ruhanga omuri Kristo Yesu.

Yohaana 3:14, 15

Kandi nk'oku Musa yaahani-kire enjoka omu ihamba, nikwo n'Omwana w'omuntu ashemereire kuhanikwa, ngu omuntu weena orikumwikiriza aheebwe amagara agatahwaho.

Abarooma 6:23

Ahakuba ebihembo by'ekibi n'okufa; kwonka ekiconco kya Ruhanga n'amagara agatahwaho omuri Kristo Yesu Mukama waitu.

Yohaana 5:24

Buzimazima nimbagambira nti: Orikuhurira ekigambo kyangye, akaikiriza Owantumire, aine ama-

gara agatahwaho, kandi tariza mu rubanja; ahabw'okuba aherize kuruga omu kufa, yaataaha omu magara.

Abagalatia 6:8

Orikubibira omubiri gwe, omuri ogwo mubiri nimwo arigyesha okujunda; kwonka orikubibira Omwoyo, omu Mwoyo ogwo nimwo arigyesha amagara agatahwaho.

Yohaana 3:36

Orikuwikiriza Omwana aine amagara agatahwaho; kwonka otarikworobera Mwana, taribona magara; kureka ekiniga kya Ruhanga kiguma ahariwe.

MUKAMA NAATURAGANISA OKUJUNWA 31

1 Yohaana 4:13

Aha niho tumanyira ngu tugu-
ma omuriwe, nawe omuriitwe, a-
habw'okuba akatuha aha Mwo-
yo we.

Abagalatia 4:6

Kandi imwe, ahabw'okuhindu-
ka abaana, Ruhanga akatuma O-
mwoyo w'Omwana we omu miti-
ma yaitu, otugambisa ati: Abba,
Taata!

Yohaana 14:21

Oine ebiragiyo byangye aka-
byorobera niwe arikunkunda; ka-
ndi orikunkunda, aryakundwa
Tata, naanye ndyamukunda,
mmeyorekye.

Abarooma 8:16

Omwoyo ogwo niwe ahamya
n'emyoyo yaitu ku turi abaana ba
Ruhanga.

1 Yohaana 3:18, 19

Baana bato, turekye kukunda-
na omu bigambo nari aha rurimi,
kureka tukundane omu bi turiku-
kora n'omu mazima. Aha niho
turikumanyira ko turi ab'amazi-
ma, tukagarukwamu emitima o-
mu maisho ge.

Isaaya 32:17

Eki okuhikiirira kurireeta ki-
ryaba obusingye, Kandi ekiriruga
omuri okwo kuhikiirira kibe oku-
tuuza N'amatsiko agatarikuba-
nganisibwa ebiro byona.

KRISTO ORIKUTUTUURAMU NAATUHA OKUSHEMERERWA

Yohaana 17:13

Mbwenu niinyija ah'ori; ebi ni-
mbigamba nkiri omu nsi, ngu o-
kushemererwa kwangye kuhikii-
rizibwe omuribo.

Abarooma 14:17

Manya, obukama bwa Ruha-
nga ti by'okurya, nari eby'oku-
nywa, kureka okuhikiirira n'obu-
singye n'okushemererwa omu
Mwoyo Orikwera.

Abagalatia 2:20

Nkabambwa na Kristo; tinkiri
nyowe ori, kureka Kristo niwe
ari omuriinye; kandi amagara a-

gu nyine omu mubiri ngaine a-
habw'okwikiriza Omwana wa Ru-
hanga, owankunzire akeehayo a-
habwangye.

Zaaburi 16:11

Oryanyoreka omuhanda gw'a-
magara, Omu maisho gaawe ha-
riho okushemererwa kwingi mu-
nonga; Omu mukono gwawe
gwa buryo harimu ebirikushe-
meza ebiro byona.

Yohaana 15:11

Ebi naabibagambira, ngu oku-
shemererwa kwangye kube omu-
riimwe, kandi ngu okushemere-
rwa kwanyu kube okuhikire.

OKUHURIRA NIKWETAAGWA AHARI MUKAMA 33

Abarooma 6:16

Timurikumanya ngu ogwo ou mweha nk'abahuuku kumuhurira, muba muri abahuuku b'ogwo ou muhurira, yaaba kibi ekireeta okufa, nari okuhurira okureeta okuhikiirira?

2 Abatesalonika 1:7-9

N'okuha imwe abarikushaasha okuhuumura naitwe, Mukama waitu Yesu ku arishuuruurwa naaruga omu iguru na baamaraika be ab'amaani, ari omu muriro ogurikwaka, okuhoora enzigu abatarikumanya Ruhanga n'abarikwanga kworobera engiri ya

Mukama waitu Yesu. Abo barya- heebwa ekifubiro eky'okuhwerekyerera okw'ebiro n'ebiro, babingwe omu maisho ga Mukama n'omu kitiinisa ky'obushoboorozi bwe.

Eky'ebiragiro 11:26-28

Reeba, eri izooba ninta omu maisho gaanyu omugisha n'omukyeeno; omugisha ku muryorobera ebiragiro bya MUKAMA Ruhanga waanyu, ebi ndikubaragii- ra eri izooba, n'omukyeeno ku muryanga kworobera ebiragiro bya MUKAMA Ruhanga waanyu. . .

1 Yohaana 2:23

Tihariho oyehakana Omwana akagira Isheboona. Ogwo oikiriza Omwana niwe aine na Isheboona.

Matayo 10:32, 33

Kandi buri munta orimpamyanya omu maisho g'abantu, naanye ndyamuhamyanya omu maisho ga Tata ori omu iguru. Kwonka weena oriinyehakana omu maisho g'abantu, naanye ndyamwehakana omu maisho ga Tata ori omu iguru.

Abarooma 10:9, 10

Tuti: Ku oryatura n'akanwa kaawe oti, Yesu niwe Mukama, waikiriza n'omutima gwawe ku

Ruhanga yaamuzoire omu bafu, oryajunwa; ahakuba omutima nigwo omuntu aikiririsa akaheebwa okuhikirira, kandi akanwa niko ayatuza akaheebwa okujunwa.

Luka 9:26

Mumanye ngu omuntu weena orikwitwa enshoni ahabwangye n'ahabw'ebigambo byangye, n'Omwana w'omuntu nawe aryaitwa enshoni ahabwe, ku ariizira omu kitiinisa kye, n'omu kitiinisa kya Ishe n'ekya baamaraika abarikwera.

Abafilipi 2:11

Kandi endimi zoonza zaature ku Yesu Kristo ari Mukama, Ruhanga Tataitwe ahimbisibwe.

Mujware eby'okurwanisa byona ebya Ruhanga, mubone kwe-merera mutasingwirwe bugobya bwa Sitaane. — Abaefeso 6:11

2 Abatesalonika 2:9

Omugomi ogwo oriija ahabw'amaani ga Sitaane, aryaija n'obushoboorozi bwona, n'obu-manyiso n'eby'okutangaaza by'e-bishuba.

Matayo 4:1, 10, 11

Okuruga aho Yesu yaayebe-mberwa Omwoyo kuza omu ihamba kwohibwa Sitaane. . . Yesu yaamugarukamu ati: Rugaho, Sitaane, ahabw'okuba kikahandii-kwa ngu: Oramye Mukama Ruhanga waawe; obe niwe waahee-

reza wenka. Atyo Sitaane yaamu-rugaho; reeba baamaraika bai-ja, baamuheereza.

Ebyakozirwe 26:18

Okuhumuura amaisho gaabo, ngu bahindukye barugye omu mwirima, baze omu mushana, barugye omu bushoboorozi, bwa Sitaane, bahindukire Ruhanga; babone kwihwaho ebibi, n'oku-heebwa obuhunguzi hamwe n'a-barikwezibwa ahabw'okuunyiki-riza.

1 Petero 5:8

Mwerinde; mugume nimureeba. Sitaane omuzigu waanyu naashooba nk'entare erikutsinda, naasherura ou araarye.

2 Abatesalonika 2:8

Obwo, omugomi ogwo arya-shuuruurwa, kandi Mukama waitu Yesu aryamwitsa orwoya rw'omu kanwa ke, amuhwerekyereze n'okumurinkana kw'ekitiinisa ky'okwija kwe.

Yakobo 4:7, 8

N'ahabw'ekyo mworobere Ruhanga. Murwanise Sitaane, arya-bahunga. Mwirire haihi Ruhanga, nawe abone kubairira haihi. . .

Abaheburaayo 2:14

N'ahabw'ekyo nk'oku abaana baine omubiri n'eshagama, nikwo nawe yaabigizire, ngu ahabw'o-

kufa kwe ahindure busha ogwo oine obushoboorozi bwa rufu, niwe Sitaane.

1 Yohaana 3:8

Okora ekibi n'owa Sitaane; ahakuba okwiha iranaira Sitaane ashiisha. Nikyo Omwana wa Ruhanga yaayorekyeirwe kuhwerekyereza emirimo ya Sitaane.

Abarooma 8:35, 37

N'oha oritutaanisa n'okukunda kwa Kristo? N'obusaasi, okwitwa kubi, okuhiigwa, enjara, okujwara busha, akabi, nari shi rurara? . . . Kwonka omuri ebyo byona tusingwire nangwa n'okukiraho ahabw'Ogwo owaatukunzire.

RUKUNDO, EKIGYEZO KY'OBWEGYESIBWA 37

1 Abakorinso 13:1

N'obu naakugamba endimi z'abantu n'eza baamaraika, kwonka ntaine kukunda, nkaaba ndi nk'omuringa ogurikurangira n'ekyoma ekirikugamba.

Abagalatia 5:22, 23

Kwonka ebyana by'Omwoyo nibyo ebi: okukunda, okushemerwa, obusingye, okugumisiriza, embabazi, oburungi, obwesigwa, obucureezi, n'okwerinda. . .

1 Yohaana 3:14

Itwe nitumanya ngu tukaruga omu kufa, twataaha omu magara, ahabw'okuba tukunda ab'eishemwe. Otaine rukundo aguma omu kufa.

Yohaana 21:16

Yesu yaamubuuza obwa kabiri ati: Simooni mwene Yohaana, onkunda? Yaamugarukamu ati: Eego, Mukama wangye; noomanya ku nkukunda. Yesu ati: Riisa entaama zangye.

Yohaana 13:35

Ku muriguma nimukundana, nibwo abantu boona baribamanya ku muri abeegi bangye.

1 Yohaana 4:20

Omuntu weena ku agira ati, Ninkunda Ruhanga, haza naayanga mugyenzi we, n'omubeihi; ahakuba otakunda mugyenzi we ou arareebire, tabaasa kukunda Ruhanga ou atakareebaga.

Mako 16:9

Yesu ku yaazookire omu kasheshe aha izooba ry'okubanza omuri saabiiti, yaabanza kweyoreka Mariamu Magadaleene, ou yaabingireho baadaimoni mushanju.

Yohaana 20:26-28

Ku haahingwireho ebiro mu-naana, nabwo abeegi be bari omu nju, kandi na Tomasi ari hamwe nabo. Yesu yaija enyigi zikingirwe, yaabeemerera ahagati, yaagira ati: Mugire obusingye. Yaagambira Tomasi ati: Reeta orukumu rwawe, oreebe ebiganja byangye; oreete n'ekiganja kyawe, okite omu rubaju rwangye; ore-

kye kuba otaine kwikiriza, kureka oine okwikiriza. Tomasi yaagarukamu yaamugira ati: Muka-ma wangye! kandi Ruhanga wangye!

Ebyakozirwe 10:39-41

Naitwe turi baakareebi b'ebyo byona ebi yaakozire omu nsi y'Abayudaaya n'omuri Yerusaalemu. Yesu ogwo bakamwita, bamuhani-kire aha muti; kwonka Ruhanga yaamuzoora aha kiro kya kashatu yaamworeka butunu, ti mu bantu boona, kureka ahari baakareebi, abaatoorainwe Ruhanga ira, nibo itwe abaariire kandi abanyweire nawe aherize kuzooka omu bafu.

2 Abakorinso 4:14

Ahakuba nitumanya ngu O-waazoire Mukama waitu Yesu a-ryatuzoora hamwe nawe, atuhitsye omu maisho ge hamwe naimwe.

Matayo 16:21

Okuruga aho Yesu yaatandika kumanyisa abeegi be oku ashemereire kuza Yerusaalemu, akabonabonesibwa omuri bingi abakuru n'abanyamurwa abakuru n'abahandiiki, akaitwa, kandi bwanyima y'ebiro bishatu akazooka.

Yohaana 5:25, 28, 29

Buzimazima nimbagambira nti: Obunaku nibwija, kandi buriho

na hati mbwenu, abafu obu barihurira eiraka ry'Omwana wa Ruhanga; n'abo abaririhurira baryaba abahuriire. . . Mutatangaarira eki; ahakuba obunaku nibwija, abari omu bituuro boona obu barihurira eiraka rye, bakarugamu, abo abaakozire gye, bakazookyera amagara; nabo abaakozire kubi, bakazookyera okucwerwa orubanja.

Abarooma 1:4

Kandi akoorekwa n'amaani ku ari Omwana wa Ruhanga ahabw'okuzooka omu bafu, nk'oku Omwoyo Orikwera yaaragwire, Ogwo niwe Yesu Kristo Mukama waitu.

1 Petero 1:15

Kureka nk'Ogwo owaabeetsire oku ari orikwera, naimwe mube nikwo mwaba abarikwera omu micwe yaanyu yona.

2 Abakorinso 7:1

Nk'oku twine ebyaraganisiibwe ebyo, abarikukundwa, tweyozyeho oburofa bwona obw'aha mubiri n'obw'omu mwoyo, nituhikiiriza okwera omu kutiina Ruhanga.

2 Timoseo 2:21

Omuntu weena ku arikweshe-meza yaayetaanisa n'ebyo, aryaba orwabya rw'okukoresa omurimo gw'ekitiinisa, orweziibwe, o-

rwiniire nyineeka omugasho, orutebeekanisiibwe ahabw'omurimo gwona omurungi.

1 Petero 1:2

Abaatoorainwe Ruhanga Ishoboona, nk'oku yaabamanyire ira, mukeezibwa Omwoyo, ngu mwo-robere Yesu Kristo, kandi ngu mumiisiirwe eshagama ye. Embabazi n'obusingye bikanye omurii-mwe.

Luka 1:74, 75

Ngu, ku turiheza kujunwa omu mikono y'abazigu baitu, Tubone kumuheereza tutaine ki turikutina, Turi abarikwera kandi abahikiriire omu maisho ge Ebiro byona eby'amagara gaitu.

Abaheburaayo 13:12

**Nikwo na Yesu yaabonabone-
ire aheeru y'eirembo, ngu abone
kweza abantu n'eshagama ye.**

Matayo 3:11

**Nyowe nimbabatiza n'amai-
zi ahabw'okweteisa, kwonka ori-
kwija enyima yangye nankiza o-
bushoboorozi; kandi tinshemere-
ire na kumukwatira enkaito; We
aryababatiza n'Omwoyo Orikwe-
ra n'omuriro.**

1 Yohaana 1:9

**Ku twatura ebibi byaitu, niwe
w'okwesigwa kandi ohikiriire
kutusaasira ebibi n'okutwozyaho
eby'okutahikiirira byona.**

2 Petero 3:11

**Ebyo byona ku biraabe biri
eby'okuyaga bityo, mureebe oku
mushemereire kuba abarikwera
kandi abarikutiina Ruhanga omu
mitwarize yaanyu.**

Isaaya 35:8

**Kandi haryabayo omuhanda
rugyendwa, Gwetwe Omuhanda
ogurikwera. Abatashemeire tibi-
rigurabamu, Kureka guryaba o-
gw'abagyenzi; N'obu bariba bari
abashema, Tibariguhabiramu.**

Abaefeso 1:4

**Nk'oku yaatutooraniire omu-
riwe ahabwa rukundo, ensi eta-
kahangirwe, ngu tube abarikwera
abataine kamogo omu maisho ge.**

42 ABASHAIJA ABAIJWIRE MWOYO ORIKWERA

Ebyakozirwe 1:8

Kwonka muryaheebwa amaani, Omwoyo Orikwera ku ariheza kubaijaho, kandi muryaba baakareebi bangye omuri. . .

Ezekieli 36:27

Kandi ndyata omwoyo gwanbye omuriimwe, mbagyendeseze omu biragiro byangye, mubone kurinda ebi naataireho n'okubikora.

Ebyakozirwe 13:52

Abeegi baijura okushemererwa n'Omwoyo Orikwera.

Abarooma 8:9

Kwonka imwe timuri mu buryo bw'omubiri, kureka omu Mwoyo, Omwoyo wa Ruhanga

ku araabe atuura omuriimwe buzima. Mumanye ngu omuntu weena otaine Mwoyo wa Kristo, ti muntu we na kakye.

Ebyakozirwe 4:31

Ku baaherize kushaba, omwanya ogu baabaire bateeraniiremu gwatengyeta; boona baijura Omwoyo Orikwera, baagamba ekigambo kya Ruhanga n'obumanzi.

Luka 11:13

Imwe ku muraabe nimumanya kuha abaana baanyu ebi-conco ebirungi, haza muri babi, mbwenu Shoimwe ow'omu iguru tarikizaho kuha Omwoyo Orikwera abo abamushaba?

EBYEKUTAANGAAZA EBYARAGANISIIBWE ABAKRISTAAYO

43

Zaaburi 37:3

Oyesigye MUKAMA, okore e-birungi; Obwo nibwo orituura omu nsi, nooriira omu mariisizo n'obusingye.

Okushuuruurwa 21:4

Aryaragaza amarira goona aha maisho gaabo; tiharibaho kufa bundi, n'obu kwakuba okucura nari okurira nari obusaasi, aha-kuba ebya ira biryaba bihweireho.

Isaaya 66:2

Ebyo byona omukono gwangye nigwo gwabihangire; N'ahabw'ekyo byona n'ebyangye, Nikwo MUKAMA arikugira. Kwo-

nka omuntu ou nditaho omutima N'oine omutima omucureezi, kandi ogurikweteisa, Kandi orikutetema ahabw'ekigambo kyangye.

1 Petero 4:12, 13

Abarikukundwa, mutatangaazi-bwa omuriro ogwizire kubagyeza, nk'abahikwaho eihano; kureka mushemererwe ahabw'okukwatanisa na Kristo omu busaasi bwe; kandi ekitiinisa kye ku kirishuuruurwa, nabwo mushemererwe n'okwesiima kwingi.

Zaaburi 34:18

MUKAMA aba haihi ab'emiti-ma ehendekire, Ajuna ab'omuti-ma ogweteisiize kimwe.

Abaheburaayo 2:18

Ahabw'okuba We, nk'oku yaa-bonabonesiibwe atyo, kandi a-koohibwa, naabaasa kuhwera a-barikwohibwa.

Abarooma 16:20

Kandi Ruhanga mukama w'o-busingye aryasingyeera Sitaane juba ahansi y'ebigyere byanyu. Embabazi za Mukama waitu Ye-su Kristo zigume naimwe.

Zaaburi 34:19

Ebibonabono by'ohikiriire ni bingi; Kwonka mukama abimwi-hamu byona.

1 Abakorinso 10:13

Tihariho kigyezo ekirababai-reho ekitari kya bantu boona.

Kwonka Ruhanga n'ow'okwesi-gwa; taribaikiriza kugyezibwa ki-gyozo eki mutarikubaasa; kure-ka omu kigyezo ekyo aryabatee-raho oburyo bw'okuhunga, ngu mubaase kukigumisiririza.

Abarooma 8:28

Nitumanya ngu, aha bariku-kunda Ruhanga, bakeetwa nk'e-naama ye oku eri, byona ebiba-baho bikwatanisiza hamwe ku-bareetera oburungi.

Isaaya 43:2

Ku oriraba omu maizi, ndyaba nkwine; Ku oriraba omu migye-ra, terikutwara; Ku origyendera omu muriro, torisya, N'ebirimi byagwo tibirikubabura.

Okushuuruurwa 21:7

Orikusingura aryahungura ebi, ndyaba Ruhanga we, nawe abe omwana wangye.

Okushuuruurwa 3:5

Orikusingura aryajwekwa atyo ebijwaro birikwera, kandi tindiiha iziina rye mu kitabo ky'amagara, kureka ndyarihamya omu maisho ga Tata n'omu maisho ga baamaraika be.

Okushuuruurwa 3:12

Orikusingura ndyamugira enyomyo omuri hekalu ya Ruhanga wangye; nawe tarigirugamu ebiro byona; kandi ndyamuhandiikaho eiziina rya Ruhanga

wangye, n'eiziina ry'orurembo rwa Ruhanga wangye, nirwo ru-rembo Yerusaalemu orusya orurikushuuma okuruga omu iguru ahari Ruhanga wangye, kandi n'eiziina ryangye erisya.

Okushuuruurwa 2:7

Oine amatu ahurire eki Omwoyo arikugambira amakanisa. Orikusingura ndyamwikiriza kurya aha muti gw'amagara, oguri omuri Paradiiso ya Ruhanga.

Okushuuruurwa 3:21

Orikusingura, ndyamwikiriza kushutama aha kitebe kyangye ky'obukama, nkaanye oku naasingwire, nkashutama hamwe na Tata aha kitebe ky'obukama bwe.

46 RUHANGA NAATUGAMBIRA AHA KUTAANA

1 Abakorinso 7:10, 11

Kandi abashweire n'abashweirwe nimbaragiira, kwonka tiinye kureka Mukama waitu, omukazi arekye kutaana na iba; kandi ku araabe yaataine nawe, agumire aho atashwerwa ondiijo, nari shi agarukane na iba, kandi omushaija atarishenda omukazi we.

Abarooma 7:2, 3

Nimumanya ngu omukazi oine iba, ekiragiyo kimutegyeka kuguma na iba, akiriho; kandi iba ku afa, aba atakitegyekwa kiragiyo kya iba. Kwonka ku ashwerwa ondiijo mushaija, iba akiriho, ayetwa omushambani; kwonka

iba ku afa, aba atakitegyekwa ekyo kiragiyo; n'ahabw'ekyo ku ashwerwa omushaija ondiijo, tayetwa mushambani.

Luka 16:18

Omuntu weena orikushenda omukazi we akashwera ondiijo, naaba ashambaine; kandi orikushwera omukazi obingirwe iba, nawe naaba ashambaine.

Matayo 5:32

Kwonka nyowe nimbagambira nti: Omuntu weena orishenda omukazi we, atamutuzire kushambana, biri aryaba amushambaniise, kandi orishwera ogwo oshe-nzirwe, biri aryaba ashambaine.

Yohaana 14:3

Kandi kundaabe ninza kuba-shemereza omwanya, ndyagaruka aha, mbatware ei ndi; okwo ei ndi, naimwe mube niyo mwa-tuura.

Matayo 24:27

Nk'oku omurabyo gurabiza oburugwa-izooba gukahika oburengyerwa-izooba, nikwo n'okwija kw'Omwana w'omuntu kuriba.

Mako 8:38

Mumanye ngu omuntu weena orikwitwa enshoni ahabwangye n'ahabw'ebigambo byangye omu busingye obu obw'obushambani, haza kandi obubi, Omwana w'o-

muntu nawe aryaitwa enshoni ahabwe, ku ariizira omu kitiinisa kya Ishe na baamaraika abarikwera.

Yakoba 5:8

Naimwe mugumisirize. Mugumye emitima yaanyu; ahabw'okuba okwija kwa Mukama waitu kuri haihi.

Matayo 24:30

Obwo akamanyiso k'Omwana w'omuntu karyareebeka omu iguru, amahanga goona ag'ensi garyacura, kandi baryareeba Omwana w'omuntu naizira omu bicu by'omu iguru, aine obusho-boorozi n'ekitiinisa kingi.

48 KRISTO OKWIJA OMURUNDI GWA KABIRI

Luka 12:40

Naimwe mugume mweteeka-teekire; ahabw'okuba omu shaha ei muteetekateekyeiremu Omwana w'omuntu niyo ariiziramu.

1 Yohaana 3:2

Abarikukundwa, hati turi abaa-na ba Ruhanga; oku turiba, tikukamanyirwe; kwonka nitumanya, ngu ku arishuuruurwa, turyashushana nawe, ahabw'okuba turyamureeba nk'oku ari.

Okushuuruurwa 16:15

(Reeba, niinyija nk'omushuma! Aine omugisha orikuguma naa-

reeba, akarinda ebijwaro bye, ngu arekye kugyenda ajwaire busha, bakareebe enshoni ze.)

Ebyakozirwe 1:11

Baabagira bati: Imwe bashaija ba Galilaaya 'mwe, muhangiire ki amaisho ahaiguru? Yesu ogwo owaabaihwaho akatwarwa omu iguru, nikwo arigaruka nk'oku mwamureeba naatempa omu iguru.

Matayo 16:27

Mumanye ngu Omwana w'omuntu aryaija na baamaraika be omu kitiinisa kya Ishe; kandi obwo nibwo ariihura omuntu weena ebishemereire ebi yaakozire.

EKIGAMBO KYA RUHANGA

Ekigambo kyawe n'etabaaza emurikira ebigyere byangye, N'omushana ogujwera omuhanda gwangye.

—Zaaburi 119:105

Ai MUKAMA, ekigambo kyawe kiamire omu iguru ebiro byona.

—Zaaburi 119:89

Eiguru n'ensi biryahwaho, kwonka ebigambo byangye tibirihwaho.

—Luka 21:33

Yesu yaabagarukamu naabagira ati: Muhabire, ahabw'okutamanya Ebyahandiikirwe n'obugaakuba amaani ga Ruhanga.

—Matayo 22:29

Ahakuba tihariho kigambo

kyabaanabi ekyabaire kireetwa okukunda kw'omuntu, kureka abantu bakaba bagamba ebyaruga ahari Ruhanga, nibakoresibwa Omwoyo Orikwera.

—2 Petero 1:21

Ekigambo kyawe nkibiikire omu mutima gwangye, Ngu ndekye kukucumuraho.

—Zaaburi 119:11

Ebyahandiikirwe byona, ebyahandiikisiibwe Omwoyo wa Ruhanga, biine omugasho gw'okwegyesa omuntu, n'okumuhanana, n'okumuhabura, n'okumutendeka omu by'okuhikiirira.

—2 Timoseo 3:16

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

7-24



Read booklets online or by App
www.wmp-readonline.org
106 Runyankore-Rukiga HFA